

Headline	Tabung Rohingya Utusan TH dapat perhatian perwakilan		
MediaTitle	Utusan Malaysia		
Date	01 Dec 2016	Color	Black/white
Section	Dlm Negeri	Circulation	171,663
Page No	22	Readership	563,000
Language	Malay	ArticleSize	122 cm ²
Journalist	N/A	AdValue	RM 1,590
Frequency	Daily	PR Value	RM 4,769



Tabung Rohingya Utusan-TH dapat perhatian perwakilan

KUALA LUMPUR 30 Nov. - Walaupun sibuk menghadiri Perhimpunan Agung UMNO 2016, para perwakilan tidak lupa tentang nasib etnik Rohingya yang kini menderita akibat kekejaman tentera Myanmar.

Perkara ini terbukti apabila Tabung Rohingya Utusan-TH mendapat perhatian daripada perwakilan yang mengambil peluang untuk menderma menerusi tabung itu yang ditempatkan di Pusat Dagangan Dunia Putra (PWTC) tempat perhimpunan itu berlangsung.

Sebanyak dua tabung ditem-

patkan selama empat hari bermula hari ini bagi memudahkan orang ramai menghulurkan sumbangan iaitu di pintu masuk utama serta di kaunter pemasaran yang terletak di aras tiga PWTC.

Antara yang mengambil peluang menderma menerusi tabung itu ialah penyanyi pop yeh yeh terkenal, Datuk A. Rahman Hassan bagi membantu meringankan penderitaan etnik berkenaan.

“Apa yang terjadi di Myanmar merupakan suatu kezaliman yang terlalu dahsyat untuk digambarkan. Mereka sanggup

membunuh tanpa belas kasihan demi mencapai matlamat utama iaitu menghapuskan etnik Rohingya dari negara itu.

“Saya menyeru semua artis dan rakyat Malaysia bersama-sama menunjukkan sokongan dan simpati kepada saudara seagama kita di sana dengan menderma ke tabung ini. Biar sedikit asal-kita membantu,” katanya.

Orang ramai boleh juga menderma menerusi akaun Bank Islam 14283010000572 atas nama Tetuan Yayasan Kumpulan Utusan bermula esok sehingga 1 April 2017.